

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-14358/25
Sarajevo, 20.11.2025. godine

Na osnovu člana 70. Zakona o javnim nabavkama ("Službeni glasnik", br. 39/14,59/22 i 50/24) i člana 26. Pravilnika o javnim nabavkama roba, vršenju usluga i ustupanju radova, br. 02/12-45-25701/22 od 10.12.2022. godine, u predmetu javne nabavke "Nabavka vatrogasnih odijela" Konkurentski postupak javne nabavke, objavljen u Službenom glasniku BiH, br. 37/25 i Portalu javne nabavke br. 422-7-1-71-3-100/25 od 16.06.2025. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Poništava se postupak javne nabavke "Nabavka vatrogasnih odijela" u Konkurentskom postupku, objavljenom u Službenom glasniku BiH, br. 37/25 i Portalu javne nabavke br. 422-7-1-71-3-100/25 od 16.06.2025. godine, shodno članu 69. stav 2. tačka d) Zakona o javnim nabavkama, obzirom da dostavljena nijedna nije prihvatljiva.
2. Zadužuje se Služba za zajedničke poslove da obavjesti učesnika u Konkurentskom postupku Javne nabavke o donošenju Odluke o poništenju postupka.
3. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – "Nabavka vatrogasnih odijela" pokrenut je u skladu sa članom 18. Zakona o javnim nabavkama u Konkurentskom postupku, objavljenom u Službenom glasniku BiH, br. 37/25 i Portalu javne nabavke br. 422-7-1-71-3-100/25 od 16.06.2025. godine.

Izvještajem i preporukom Komisije za javne nabavke roba i usluga utvrđeno je sljedeće:

- Da je Zapisnikom sa otvaranja ponuda od 27.06.2025. godine, konstatovano da je zaprimljena jedna ponuda:

1. PASTOR d.o.o. Mostar

sa ponudom u iznosu 27.350,00 KM bez PDV-a odnosno 31.999,50 KM sa PDV-om.

- Da je Komisija analizom pristigle ponude, odnosno dokumentacije kojom ponuđač dokazuje kvalifikacije za učešće u ovom postupku, utvrdila da ponuda ponuđača PASTOR d.o.o. Mostar ne ispunjava kvalifikacione uslove specificirane tenderskom dokumentacijom iz tačke 4.2.1. pod i) Kompletni tehnički listovi, opisi/brošure proizvođača za traženu opremu koja je predmet nabavke, koji moraju biti na jednom od službenih jezika u BiH (kopija) zbog neusklađenosti dostavljene dokumentacije kojom se dokazuje ispunjavanje uslova sa zahtjevima iz tenderske dokumentacije.

Naime u Aneksom 3 tenderske dokumentacije za stavku po rednim brojem 1. Vatrogasna intervencijska uniforma za strukturne požare, traženo je da navedena oprema treba biti u skladu sa normom **DIN EN 469:2020, Xf2, Xr2, Y2, Z2 i EN 1149-5:2008** dok je u sastavu ponude ponuđača PASTOR M d.o.o. Mostar na stranicama 49.-56. dostavljena tehnička dokumentacija odnosno TECHNICAL DATA SHEET proizvođača S-GARD sa prevodom na jedan od službenih jezika u BiH, gdje za stavku po rednim brojem 1. Vatrogasna intervencijska uniforma za strukturne požare (DYNAMATE PLUS Jakna i DYNAMATE PLUS Hlače) u tehničkim listovima proizvođača (kao i službenom prevodu) stoji da je oprema usklađena sa standardima **EN 469:2005 Xf2, Xr2, Y2 i EN 1149-5:2008**.

Nadalje postoji neusklađenost podataka u TECHNICAL DATA SHEET proizvođača S-GARD (str. 49.-56. ponude) i Tehničkim podacima ponuđača PASTOR M d.o.o. (str. 57.-62. ponude) gdje za stavku pod rednim brojem 1. Vatrogasna intervencijska uniforma za strukturne požare u dijelu označenom kao „Generalne informacije“ stoji da je „ Odjevni predmet je u skladu sa **DIN EN 469:2020 X2, Y2, Z2** Zaštitna odjeća za vatrogasce - zahtjevi za performanse zaštitne odjeće za gašenje požara, razina 2., a u tehničkim listovima proizvođača S- GARD stoji da je oprema u skladu sa **DIN EN 469:2005 Xf2, Xr2, Y2**.

Na osnovu navedenog, a u skladu sa tačkom 3.1.1. tenderske dokumentacije ponuda ponuđača PASTOR d.o.o. Mostar o ocjenjena je kao neprihvatljiva i odbacuje se, shodno članu 68. Zakona o javnim nabavkama.

Obzirom da se radi o Konkurentskom postupku javne nabavke, objavljenom u Službenom glasniku BiH, br. 37/25 i Portalu javne nabavke, broj obavještenja 422-7-1-71-3-100/25 od 16.06.2025 godine, da je dostavljena jedna ponuda koja ne ispunjavaju uslove specificirane tenderskom dokumentacijom, to je na Preporuku Komisije za javne nabavke roba i usluga, shodno članu 69. stav 2. tačka d. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis



Općinski načelnik
mr Semir Efendić